

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-15846/22
Sarajevo, 01.08.2022. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 17. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnik Adi Škaljić-

1. Upućujem vijećničku inicijativu za izgradnju/postavljanje javnih česmi na lokalitetima popularnih novogradskih šetališta.

OBRAZLOŽENJE Pješačka staza uz Bulevar Meše Selimovića se u posljednjih nekoliko godina pretvorila u popularno šetalište. Najveća frekvencija šetača je u ljetnim mjesecima. S obzirom na visoke temperature i vlažnost zraka, smatram pogodnim da se na jednom mjestu uz gore navedenu pješačku stazu izgradi javna česma. Također, šetalište pored rijeke Dobrinje, nova staza kojom se dolazi do Park šume Mojnilo i drugi slični lokaliteti, odnosno njihovi korisnici, imaju potrebu za ovakvim sadržajem.

2. Upućujem vijećničku inicijativu za pokretanje aktivnosti u cilju uređenja pijace koja se nalazi ispred džamije Kralj Fahd na Alipašinom polju.

OBRAZLOŽENJE

Pijaca kod džamije Kralj Fahd postoji već desetak godina i uprkos povremenim ulaganjima, ovaj prostor i dalje ne odgovara određenim modernim standardima uređenja otvorenih pijaca/tržnica.

Smatram da se radi o jako lijepom platou koji uz temeljitu rekonstrukciju i arhitektonskourbanističko unapređenje može zadržati trenutnu funkciju. Savremeni i ujednačeni štandovi (prodajni moduli) osim ljepšeg vizuelnog izgleda posjetiteljima omogućavaju bolju preglednost, a prodavcima veću sigurnost robe u noćnim satima.

-vijećnica Enisa Spahić-

1. Izgradnja dječijeg i inkluzivnog igrališta pored vrtića „Žubor“ i Centra „Oaza“ na Saraj Polju je pri kraju. Molim da mi se dostavi informacija kada se planira postaviti mobilijar, kao i šadrvan, za osobe sa intelektualnim poteškoćama Udruženja Oaza?

2. Molim da mi se dostavi odgovor, šta je do sada urađeno na postavljanju česmi s pitkom vodom duž šetnica, trgova, zelenih površina Općine Novi Grad?

Radi se o inicijativi koju sam pokrenula prije godinu dana i na koju sam dobila pozitivan odgovor, a posebno je važno u ljetnom periodu kada imamo sve ekstremnije toplinske valove, na javnim česmama bi se građani mogli napiti vode, osvježiti, napuniti bočice vodom, oprati ruke.

-vijećnik Silvije Kristić-

1. Savjet MZ „Otoka“ od Službe za investicije i komunalne poslove- odsjek za saobraćajnu infrastrukturu traži da se postavi poprečni usporivač saobraćaja na kolovozu (trakasti) sa iscrtavanjem horizontalne signalizacije -zebri u ulici Žrtava fašizma preko puta broja 4, tačnije preko puta malog pješačkog mosta.

2. Savjet MZ „Otoka“ od Službe za investicije i komunalne poslove-odsjek za saobraćajnu infrastrukturu traži da se postavi poprečni usporivač saobraćaja na kolovozu u ulici Brčanska 16, između vrtića “Dunje” i prodavnice “Atomic”.

3. Savjet MZ „Otoka“ od Službe za investicije i komunalne poslove-odsjek za saobraćajnu infrastrukturu traži da se postavi poprečni usporivač saobraćaja na kolovozu u ulici Bulevar Meše Selimovića iza broja 81a i 81b, kod rampe za bazen sa iscrtavanjem horizontalne signalizacije-zebri.

4. Molim službe da mi odgovore na koji će način zaštititi mobilijar I igralište za djecu nedavno izgrađeno za korisnike centra Oaza obzirom da starija djeca preskaču ogradu I na neadekvatan način koriste mobilijar što bi moglo dovesti do brzog devastiranja te namogućnosti upotrebe za one kojima je namijenjeno

5. Molim službe te direktora Lokoma da mi objasne trenutni status strelišta na Žući. Ko upravlja ovim vlasništvom Općine Novi Grad na koji način, prema kojim odlukama te objasne sigurnosnu situaciju na istom.

Naime prošlog vikenda sam otišao na strelište kao rekreativac i vijećnik. Tražio upotrebu strelišta za dvije osobe i platio 10 KM za šta sam dobio uredan fiskalni račun. Potom mi je objašnjeno da obzirom da je vikend, a vikendom treniraju klubovi moram platiti dodatnih 10 KM za šta nisam dobio nikakvu potvrdu ni račun. Primjetio sam obilježja dva kluba Caracal i KPS Ilidža te navodno imaju ugovore o korištenju strelišta sa Lokomom.

Osoba koja je radila na kasi Lokoma je bila u obilježjima KPS Caracal, djevojka nekih 20 godina koja je ponudila i iznajmljivanje vatrenog oružja, municije. Nisam siguran da je uposlenik Lokoma. Tražim odgovor da li je djevojka uposlenica JP „LOKOM“ d.o.o Sarajevo pošto je ista manipuliše sa kasom LOKOM-.a.

Tražit ću inspeksijski nadzor strelišta redovno i od općinske I kantonalne inspeksijske službe u dane vikenda kako bi smo bili sigurni da nema kršenja propisa I sigurnosti za korisnike strelišta I naše građane.

Na moje pitanje prošli put nije odgovoreno nego je zavedeno kao inicijativa pa vas molim da mi odgovorite u što kraćem roku.

6. Molim službe te direktora Lokoma da mi odgovore na pitanje dugoročnog plana upravljanja strelište na lokalitetu “Žuč”.

- Da li u ovom momentu Lokom posjeduje odgovarajuća odobrenja za upravljanjem strelištom “Žuč”, osposobljeno I certificirano osoblje za upravljanjem arsenalom oružja, uslove držanja oružja, edukaciju I monitoring rekreativaca koji koriste strelište, cjenik usluga na strelištu koji obuhvata sve segmente upotrebe istog?

- Na koji način je dugoročno planirano upravljanje strelištem, da li je planiran javni poziv za dodjelu strelišta pod koncesiju, koji su kriteriji za izbor najboljeg ponuđača, način I uslove potpisivanja ugovora sa sportskim klubovima te obaveze I prava klubova pod ugovorom?

- Da li je ugovor potpisan sa KPŠ Caracal I KPS ilidža? Da li je raspisan javni poziv ili obavijest o mogućnosti potpisivanja ugovora sportskih klubova I strelišta? Ako su navedeni ugovori potpisani molim da mi se dostave uslovi istog te odluke na osnovu kojih su se potpisali.

-vijećnik Adnan Gušo-

Na zahtjev Savjeta MZ „Dobrinja D“ upućujem vijećničku inicijativu-provođenje sanacije udarnih rupa na području MZ „Dobrinja D“ (na parking u ulici Omladinskih radnih brigada, ulica Mustafe Kamerića br. 12, sanacija oštećenja na požarnom putu u ulici Dobrinjske bolnice, požarnom putu u ulici Omladinskih radnih brigada).

-vijećnik Dino Okerić-

Podnosim inicijativu da se u ulici Esada Midzica u sklopu lokacije gdje je u toku izgradnja dječijeg igralista i mobilijara planira hajr cesma šehidima i poginulim u toku agresije 92-95.

S obzirom da je u toku agresije pomenuta lokacija bila mjesto okupljanja i zajednickog odlaska boraca Armije BiH na linije odbrane Bosne i Hercegovine u periodu 92-95 i da zbog toga ima posebnu simboliku, molim da se hitno pristupi proceduri izrade projekta i davanja urbanisticke i gradevinske dozvole za pomenutu cesmu kako bi se olaksala i izrada i montaza iste s obzirom da je rok zavrsetka izgradnje igralista 45 dana tacnije do 15.09. do kojeg roka bi trebala biti nabavljena i izrađena i cesma.

Natpis na cesmi:

Šehidima i poginulim borcima ulice Esada Midzica

-vijećnica Nejra Džanko-

1. Pokrećem inicijativu za postavljanje tri rasvjetna tijela u ulici Sulje Jahića od broja 56 do broja 62.

2. Pokrećem inicijativu za postavljanje sfernog ogledala u ulici Sulje Jahića kod broja 56.

-vijećnik Adis Pljevljak-

Trazim od nadležnih iz opštine i Lokoma da mi se odgovori/objasni zasto je u zajednickoj akciji ciscenja Novog grada, ociscena privatna parcela koja pripada Peny-u, tacnije, bivsa pijaca u Svrakinu? Ko ce snositi troskove tog ciscenja i na koji nacin ce se isti naplatiti?

-vijećnici Adis Šahmanija i Elza Gaković-

1. Podnosimo inicijativu za postavljanje usporivača saobraćaja u ul: Ahatovička od br 21 - 35.

U proslom mjesecu na ovoj lokaciji dogodile su se dvije saobraćajne nesrece, a obzirom na blizinu OS "Mustafa Busuladžić" neophodna je mjera postavljanja usporivača saobraćaja.

2. Podnosimo inicijativu za povećanje broja policijskih patrola na dvije za potrebe Policijskog odjeljenja "Rajlovac". Jedna policijska patrola nedostatna je za obilazak te intervencije na ovom širokom lokalitetu.

-vijećnica Elza Gaković-

1. Podnosim inicijativu za postavljanje usporivača saobraćaja u gornjem dijelu ul: Avde Palića. Također iniciram horizontalnu i vertikalnu signalizaciju u gornjem dijelu ul: Avde Palića.

Ova mjera je neophodna kako bi se spriječili eventualne saobraćajne nezgode kao i da bi se poboljšala sigurnost pješaka i velikog broja školske djece.

2. Podnosim inicijativu za postavljanje fizičke prepreke u ul:Safeta Zajke kod restorana Geri.

Zbog konstantnog parkiranja nesavjesnih učesnika u saobraćaju sigurnost drugih učesnika saobraćaja je zabrinjavajuća. Zbog takvih okolnosti preglednost je otežana i ova lokacija je mjesto čestih nezgoda.

3. Zbog izvještaja KJKP "Gras" i katastrofalnog neispunjavanja reda vožnje na linijama Sokolje -Stup podnosim inicijativu za uvođenje školskog prevoza.

4. Mjera Vlade KS na utvrđeno katastrofalno stanje nerealiziranih vožnji na liniji Stup -Dobroševići - Ahatovići bila je skraćivanje postojeće linije i uvođenje linije Stup -Dobroševići autoprevoznika Centrotans. Stanovnici Ahatovića su ogorčeni jer svakodnevno moraju pješaćiti 6 kilometara da bi koristili novoformiranu liniju vožnje Stup - Dobroševići. Situacija će se drastično pogoršati sa početkom nove školske godine. Građani Ahatovića insistiraju na uvođenju školskog autobusa jer je nedopustiv odnos podjele besplatnih učeničkih kupona a da učenici njih 300 svakodnevno prelaze po 6 kilometara do škole i isto toliko od škole do kuće. Iniciram hitno uvođenje đakčkog prevoza na relaciji Ahatovići -OŠ "Mustafa Busuladžić " i obratno, jer linija javnog gradskog prevoza je skraćena na Stup - Dobroševići.

-vijećnica Edita Šandal-

1.Popravak kvarova na vodovodnoj mreži u ulici Brezanska i Izeta Karšića.

2. Da se obezbijedi svakodnevni dolazak cisterne sa vodom za ulicu Kralja Stjepana Tomaševića

3. Inicijativa za Ministarstvo komunalne privrede KS da pronade način da se osigura gorivo za KJKP "Vodovod i kanalizacija" Sarajevo

-vijećnik Mirza Memišević-

1.Inicijativu:da se u ograđene i za pijesak predviđene prostore u dječjim parkićima doda pijesak kako bi ti prostori imali potpunu funkciju a djeci bila omogućena igra.

2. vijećnička pitanja: Zašto snimak 17. sjednice Općinskog vijeća na Youtube kanalu ima tako loš i nerazumljiv tonski zapis?

3.vijećnička pitanja: S obzirom da se ignorisanjem postavljenih pitanja zašlo u grubo kršenje Poslovnika oradu Općinskog vijeća Novi Grad Sarajevo Član 97. Stav 7 još jedanput ponavljam pitanja i insistiram na odgovorima Predsjedavajućeg Općinskog vijeća Mirze Selimbegovića koji se prema navedenom članu stara da vijećnici dobiju odgovore: Da li je na obilježavanje godišnjice stradanja u Kalinoviku otišlo rukovodstvo ili dio rukovodstva Općinskog vijeća ili neki drugi vijećnici? Na koji način je napravljen odabir vijećnika koji su išli na obilježavanje? Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovic - Sarajevo i obrnuto. Kojim povodom su, ako su bili, posjetili Umoljane?

**SEKRETAR
OPĆINSKOG VIJEĆA**

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a